


✓
萬德懿 著
諸奇良 輯

台學源流述要

臨海青年印刷所印行

影 近 者 著



黃主 席紹 紘督 勵著 者奠 定磐 安以 保浙 東治 安書

文淵為勅學之元日為勅志
樂承高切山業報氏父智
刑相身挺而走險故治害河
云為重要其以標方成國在
防剝而治本方此打查不誤
生而同氏智也此本此行不
製亦以治安可保而極滿者
亦皆賴之也為其伸支并領
政安

自序

三十三年春，予宦游雲和，行將一年。深感一官之寄，無裨國事。雖自甘粗布淡食之儉，仍覺無功受祿之慚。轉不如重理律師舊業，尚可補讀生平欲讀未讀之書。惟進退之節，義利之辨，此中自有定之理，所謂可與知者言，難爲俗人道也。乃乞示於公洽先生（時陳公任國防最高委員會黨政考核委員會祕書長）承五月廿九日函復：「吾兄重理舊業，儀極表同意。」予遂決意堅辭，於七月間赴溫州開始業務，並於報端啟事云：「溯自武林被寇，不與吾浙士人論律務者七易寒暑矣。此七年中，奔走國事，愧乏殊勛，所幸法權重光，勝利在望，用乞微軀，重理舊業，海內相知，幸垂鑒焉。」不意復業未久，敵騎驟至，乃輒轉流離於樂清黃巖之間，本可一走了之，惟因接辦律務甚多，不應輕易離去，乃卜居樂清之湖邊。（當時法院亦遷在湖邊）此地爲宋代名相王十朋之故鄉，湖光山色，別饒境趣。十朋詩云：「十里青山陰碧湖，湖邊風物畫難如，夕陽茅舍客沽酒，明月小橋人釣魚」。誠寫實也。予傍湖而居，於危難中讀其遺集，遊其故鄉，樂而忘憂。不意小住兩月，敵騎追至，予於十分鐘前，安然率眷遁跡雁蕩，隨在覓勝，行李數担，挑夫不及肩出，棄置村上，村人爲余多方密藏，得免浩劫，予感村人重義，村人謂予感人至深，終乃退至臨海，重整律務，而讀書之志，稍稍伸焉。戰前雖有萬卷之書，但交通不便，展覽不易，勝利後，國家多難，尤甚於前，廬舍破壞，田園荒蕪，有家無可歸，有書無可讀，所幸臨海縣立圖書館環境幽靜，設備尙全，故在此流離中，仍可多讀奇書，多交益友，多識民情，多覽名勝，平心論之，此實流離之得，而非流離之失。清包世臣云：「幸有

自序

兩眼明，多交益友；苦無十年暇，熟讀奇書」。而予於荒亂中，竟兩得之，幸何如之，所愧受之於公者多，而報之於公者少，乃忘其謏陋，作「台學源流述要」一文，投諸天台青年日報，以振士氣，嗣得青年日報來函云：「承賜大著，感荷無已，公暇尙請時時撰稿見惠，爲禱。」得此鼓勵，益感興奮，乃再投「官僚虐政與鴉片戰爭」一文，以明造成國恥之原因，而盡戒慎警惕之旨；作「讀平浙紀略感言」一文，以示亂世整軍安民，撥亂反正之道；作「地利戰史雜談」一文，勉勵將士，熟究地形，詳舉實例，克敵制勝；作「和坤之死」一文，藉以說明貪污足以召亂，養廉必須厚俸，尤應注意政治教育與制度之改訂，嚴刑峻法，非常道也。作「明代之幣制」一文，旨在說明濫發紙幣之害，以備有國存亡之鑑。此外所作各文，其旨總不出乎正人心，厚風俗，宣揚文化，興利除弊，稍盡匹夫之責，並藉此與海內相知一訴離衷之意耳。

孝豐文淵萬德懿

卅六年六月一日於臨海三台坊五柏園

台學源流述要

萬德懿著
諸奇良輯

著者近影

黃主席紹竑督勵著者奠定磐安以保浙東治安書

自序

目錄

頁數

一、台學源流述要……………（載三十四、四、十二、青年日報）（一）

二、官僚虐政與鴉片戰爭……………（載三十四、四、十九、青年日報）（八）

一、引言，二、行商所受額外之苛徵，三、行商退辦行務之不易，四、行商不能清償外商債務之罪責，五、行商對於約束外商不能盡職時之處分，六、限制外商園中散步之手續，七、禁止外商坐轎及攜帶家眷，八、清高宗嚴諭駁斥英使馬戛爾尼改革通商之要求，九、駁斥英商波朗稟求搭蓋草屋等之要求，十、英商洪任輝呈控海關勒索案，十一、印度總督奉命使華要求改革通商案，十二、英國駐華貿易首席監督律勞卑函請英國首相備戰案，十三、外商勾結華官販賣鴉片彌補貿易損失案，十四、兵部尚書林則徐奉命赴廣嚴禁鴉片，十五、發生戰爭立約取銷

目錄

行商制度之經過。

三、宋明以來臨海城區之水災與

防水工程

(載三十四、五、三、青年日報)(一二〇)

四、讀平浙紀略感言

一、引言，二、衢溫兩城始終固守之情形，三、金處軍民之互殺，四、抗州兵單力弱，攻守無方，五、台州府及各屬縣為本地民團克復之經過，六、楊劉利用安孝地形速戰殺敵幾盡，七、左宗棠對於撫賊之宗旨，八、結論。

(載三十四、六、七、青年日報)(一二五)

五、地利戰史雜談

一、引言，二、宋將王全斌平蜀，利用來蘇間道破劍門，三、元代張士誠失江陰長興待死蘇城，四、明將沐英獻計傅友德從容渡江(白石江)滅雲南，五、清代石達開為四川大渡河溢水所困死，六、唐宋以來浙江獨松三關的戰史。

(載卅四、七、廿六、青年日報)(三二六)

六、和珅之死

一、和珅與錢南園，二、和珅被籍沒之財產，三、和珅與其妾吳氏之遺詩，四、仁宗事前之處置，五、仁宗事後之宣導，六、清末請整頓官禮疏。

(載卅四、八、四、青年日報)(四六)

七、中國近三百年來之硬幣制度

(載卅四、九、廿三、青年日報)(五二)

一、引言，二、銅錢，三、銅元，四、銀圓，五、銀角，六、銀兩與外國銀圓。

八、明代之幣制……………（八〇）

九、臨海壽台樓舊址之考證……………（載卅五、十、廿五、動力半月刊）（九〇）

十、陳璫知府對於臨海的懷感……………（載卅五、十一、十六、動力半月刊）（九二）

十一、臨海縣志稿所載教諭蔣哇係

蔣珪之誤……………（載卅五、十一、廿五、動力半月刊）（九四）

十二、劉墩與台州……………（載卅五、十二、十六、動力半月刊）（九五）

十三、臨海馬彥森日記中之遺聞軼事……………（九九）

一、臨海八進士，二、與友人郎仁圃葛叔寬唱和詩，三、台州三畫家及傅獻生之題詩，四、曾國荃之風度，五、黃巖兩竹刻畫家，六、與陳衡士有溫厚之友情，七、思家詩，八、乾嘉年間台州之經學。

十四、中國古代禮玉與國民道德的關係……………（二〇四）

一、行禮的範圍，二、禮玉的種類，三、以玉爲禮之原因。

十五、福建省糧食市場之

目

錄

三

組織（節錄拙著福建省戰時糧食問題第一章第八節）（三十五、五、一、）（一〇八）

一、加工 二、交易

十六、福建省特設糧食管理機關之經過……………（二十九、七、一、）（一一九）

十七、磐安縣政府五言佈告……………（三十、一、三十一、）（一二三）

十八、物價管制之檢討及改進（三十三、三、二十、）……………（一二四）

附錄

一、福建省戰時糧食問題題詞……………（二十九、十、四、）李 翹（一二九）

二、治磐兩週年紀念集序……………蘇步雲（一二九）

三、出巡飛山鄉關於倡導自治精神之講演詞……………金璧煒紀（一二一）

四、召集區鄉長及士紳關於應付事變之講演詞……………陳季鉞紀（一三五）

五、李總司令電飭查追四明山游擊隊被殺官兵及

被劫輕重機槍來往電文……………（一三八）

六、呈復金巖師管區羅師令關於查辦飛山鄉兵民衝突文……………（一三九）

七、田團長岫山等函謝救護眷屬並拒絕其迎提匪犯來往函電……………（一〇四）

（一）舊八十八團郭營長王鑫書 （二）舊八十八團田團長迎提匪犯來往電文

八、楊營長萬能感謝解決兵民衝突書……………（一四一）

九、紀念萬縣長蒞任二週年詩……………張翊升（一四一）

十、阮民政廳長勉勵積極整理磐安書……………（一四一）

十一、中央黨政考核委員會陳祕書長贊同重理律務書……………（一四二）

十二、友人默察磐安治安書……………陳大訓（一四二）

十三、節錄劉同葆著近年我國政治

地理之變遷……………（載卅、八、十二、正報）（一四二）

十四、節錄陳立業著旅金日記……………（載三十一、一、一、東南日報）（一四三）

十五、介紹萬德懿先生之履歷（附提名簽署書格式）……………臨海律師公會（一四三）

一、台學源流述要

(載三十四、四、十三、青年日報)

台學源流作者金貴亭先生，字汝白，臨海人，登明正德九年（一五一四）進士，初任揚州教授，嗣補南京刑部主事，轉員外郎，出僉江西臬事，復先後督學貴州、福建、江西三省，以身爲教，後文先行，平居嚴肅，誨人不倦，卒年八十有二。其作台學源流之動機，以宋治平宣和間臨海有二徐先生出，始傳胡學者之責也。欲紀載一書，爲鄉閭法式，不幸不果作，吾友竹江趙君淵欲嗣爲之，亦復齟齬以沒。嘉靖戊申（一五四六年）春莫，余往寓竹江墓側之小軒者信宿，迺惕然有感，不揣荒陋遂歸圖之咨耆宿，考傳志，搜剔遐隱，凡十有八月而書成，名之曰台學源流，用是山海之區，迭沾大賢之化，爲邦人幸，用見我台之多賢，俾後人有所觀法。其書共七卷，爲傳三十八人，（敘述台州先儒，自宋徐中行徐庭筠迄明方孝儒陳選），其疑而莫考，僅附姓名者十五人。是書乾隆間浙江巡撫以寫本貢入四庫，誠爲台人之家珍，明史藝文志列爲二卷，千頃堂與淡生堂書目亦作二卷，蓋傳鈔者之誤耳。同治九年六月既望，台州知府劉璈識之曰：「讀聖賢書，所學何事，必克躬行實踐，斯處爲名儒，出爲名臣，庶不負朝廷取士之意。台之鄉先生多受學朱子，宋太史景濂謂：『晦翁傳道江南，而台特盛，非虛語也』。際此烽火遍地，得書讀書，均屬不易，予自二月遷居臨城，偶得此書（同治八年同善會補板）於舊書攤中，展覽之餘，同深敬仰，用將所傳各人，述要如左。以供吾台青年同志之流覽，若因而聞風興起，則他日蔚爲國光，可預必也。

一、徐眞定先生，名中行，字德臣，臨海人，其爲教，必自灑掃應對，格物致知達於治國平天下。崇寧中郡守李諤薦召不就，時章蔡竊國柄，每竄善類，先生無不淚下，乃變易冠服，終老於黃岩城南五里之羽山。（一名委羽山，又名俱依山，山東北有洞，俗傳仙人劉奉林控鶴墮翮處。道書以爲天下第二洞，余

於去冬遊之，祠宇峙敞，有道士十餘人。陳瑒謫守台州時，曾訪晤之，先生去世後，陳瑒爲撰「有宋八行先生徐公事略」參考赤城集。

二、徐溫節先生名庭筠，字季節，真定先生第三子也。待人無論貴賤，接物無論巨細，必和必恭。嘗曰：君子爲善，無愧於心而已，非求人知也。秦檜當國，科場試中興歌，先生條其未足爲中興者五，自是試輒不利，終不變其所守，以求苟合。其詠竹云：「未出土時先有節，便凌雲去也無心」。其風致高雅，可想見矣。臨終語其子曰：「吾惟不欺心一語佩之終身，汝宜念之」。語畢，端坐而逝，年八十有五，門人尊之曰：「溫節先生。淳熙間晦菴朱子以常平使者行部，聞其父子之賢，特拜墓下，大書以表曰，有宋高士二徐先生之墓，（其墓在臨海縣東南七十里），又輓以詩云：「道學傳千古，古甌說二徐」。由是二先生名重當世，而爲台學之權輿。

三、陳宗正先生，名貽範，字伯模，臨海人，宋治平四年（一〇六七）進士，通判處州，有道不拾遺之風，其德化之深，可想見矣。

四、羅正之先生，名適，寧海人，登治平三年進士，爲江都令，以誠心爲治，及提點兩浙京西刑獄，行部臨海，臨海人潘師孟以道義自高，先生造廬，扶之納四拜，又爲賦句曰：「交情長在目，隔岸數峯青」。其尙賢忘勢如此，方孝儒先生每稱寧邑先達，以先生爲首。（以上卷一）

五、石克齋先生，名墩，字子重，臨海人，登紹興十五年（一一四五）進士，知南康軍，累遷太常主簿，其爲政主於愛民憂國，恥於媚貴求榮，卒年五十有五。晦菴誌其墓曰：「外和內綱，平居恂恂若不能言者，而遇事立斷，毅然有不可犯之色」。

六、應良齋先生，名恕，字仁仲，淳熙初自括蒼遷居黃岩，嘗從晦翁遊，翁以隱居老友呼之，蓋極佩其論學之見也。

七、徐竹溪先生，名大受，字季可，天台人，晦菴行部，聞其賢而訪之，適竹溪與學者講顏子三月不

達仁云，卽杜詩所謂「一片花飛減却春」，晦菴爲之擊節，先生甚貧，一夕晦菴至，無以爲款，乃裂箕爲薪，出蔥湯麥飯，相對甚歡。嘗與趙忠定公汝愚相友善，忠定拜相，與韓侂冑同出御筆，先生賀啟有云：「以周公之德，自應相成王爲師，然老子之賢，詎可與韓非同傳」，忠定讀之，遂力辭新命，其一言爲所信重如此。（以上卷二）

八、林筠州先生，名鼎，字伯和，黃岩人，後居邑之太平鄉，嗣設太平縣（卽溫嶺），宋乾道八年（一一七二）舉進士，爲奉化簿，有中貴人過境上，令使攝尉，以雜戲逐之百里外，先生曰，吾性不好戲，且略吾地，無以逐爲也，竟不往。卒年四十九，葉水心爲之墓誌。

九、林草廬先生，名鼎，字叔和，伯和之弟，受業晦翁之門，請示一言以爲終身歸宿之處，晦翁曰：「如讀書，應事，接物，固當用工，不讀書，不應事接物時，如何，此當深思而自得之，便是歸宿之地」，叔和冷然有省，年七十有一而卒。

十、趙訥齋先生，名師淵，字幾道，宋宗室，居黃岩，受業晦翁之門，乾道八年進士，歷僉書平海軍節度判官廳公事，晦翁與之論學，甚器重之，卒年六十有一。

十一、趙恭文先生，名師鄭，居臨海，從晦翁遊，紹熙元年（一一九〇）以宗室科進士，歷官鄞縣簿，任嘉興府判官，爲晦翁所器重，嘗問曰：「別來讀書如何？」對曰：「愈見得己私難勝耳」，晦翁曰：「不須苦與爲敵，但覺此心隨物而去，卽與喚回，却無事矣」。

十二、趙遠菴先生，名師夏，字致道，居黃岩，紹熙元年宗室科進士，歷大理司直，知南康興國軍，終朝奉大夫，與兄幾道登晦菴之門，悉得奧旨。

十三、杜南湖先生，名燁，字良仲，黃岩人，嘉定元年（一二〇八）進士，官終東陽縣簿，初與弟二仲學於石克齋先生，因其介引，師事紫陽朱夫子者十餘年，紫陽嘗謂其論敬字工夫甚善。其從孫則卿集其文曰，南湖先生文集。

十四、杜方山先生，名知仁，字仁仲，少有俊才，壯年試於鄉，不利，遂絕意榮慕，著詩文十五卷，卒年六十有一，其「切問近思，反躬克己」之意，每見許於師門也。

十五、潘典教先生，名時舉，字子善，臨海人，從晦菴遊，有聞必記，其辨析六經疑義，及問學大端等，多爲師門所稱許。

十六、林叔恭先生，名恪，臨海人，從晦翁遊，記晦庵自言所用功處甚約，日夜只就一兩句上用意味，其進修功夫，可謂真切矣。

十七、郭正肅先生，名磊卿，字子奇，號兌齋，仙居人，嘉定，七年（一二一四）舉進士，端平初，拜右正言，尋擢右史，彈劾權幸，無所避忌，著有兌齋集。

十八、杜貫道先生，黃岩人嘗從朱文公遊，文公稱其所陳諸說，皆善。

十九、池子文先生，名從周，黃岩人，嘉定七年特科，嘗遊晦庵先生之門，屢以書請益，晦庵稱其嗜學，而勉以充拓之功。

二十、吳謙齋先生，名梅卿，字清叔，仙居人，嘉定十七（一二三四）特科，仕至忠州文學，著有經說語錄。

二十一、趙然道先生，名師雍，宋宗室，居黃岩，淳熙十四年（一一八七）進士官終朝議大夫，直寶章閣，嘗問道于晦庵象山二先生，亦可謂好學矣。

二十二、趙詠道先生，名師，登開禧元年（一二〇五）進士，官終僉書鎮江軍節度判官廳公事，然道之弟，同受教於晦庵象山二先生。

二十三、杜清獻先生，名範，字成之，又字儀夫，號立齋，黃岩人，南湖方山二先生之族孫也。嘉定元年（一二〇八）舉進士爲金壇尉，累除鹽察御史，終右丞相，當理宗朝，凡十坑抗，無不切當，初陞對，卽言：「致弊必有原，救弊必有本，積三四十之蠹習，至于浸漬熏染，日深日腐，有不可勝救者，其

原不過私之一字耳。君相之私未去，則條教之頒，徒爲虛文。」帝深然之，屢劾宰執鄭清之，李鳴復，史嵩之輩，直言侃侃，無少顧忌，及拜相，孜孜憂國，知無不爲，雖在疾病，不廢職務，卒年六十有四，帝震悼，賜諡清獻，先生雖貴爲宰輔，未增室廬，其遺文有古律詩歌詞雜文九卷，奏稿十卷，外制及經筵講義各三卷，故事五卷，易禮春秋禹貢闡洛諸儒微言，皆有論述。以上卷二。

二十四、王石潭先生，名貴，字蘊文，天台人，介特有守，鄉俗化之，及卒，無以爲斂，門人爲治其喪，擬擇捷徑以爲葬道，夫人止之曰：「先夫未嘗由徑，不可違也。」

二十五、胡思齋先生，名常，字立方，黃岩人，恬靜好學，不慕榮利，居室清潔，圖書整齊，若未觸觀者，嘗彙編朱子語錄十卷，又著戛釜吟三卷，有云：「十載苦心常自覺，一毫私意便非仁。」

二十六、戴泉溪先生，名良齋，字彥肅，居黃岩之泉溪，因以爲號，今屬溫嶺縣，（舊爲太平縣）嘉熙二年（一二三八）進士，累官祕書少監，上疏言事，詞甚剴切，帝嘉納之。所著有中說辨妄，通鑒前記，曾子遺書，論語外書，孔子年譜，世譜，七十子說林，卒後鄉人祠于學。（以上四卷）

二十七、車玉峯先生，名若水，字清臣，黃岩人，讀書好古，多卓識，所著有性理要旨，內外服制。

二十八、黃壽雲先生，名超然，字立道，黃岩人，讀書甚勤，著有周易經書二十卷，或問五卷，發例三卷，識蒙五卷，詩話筆談及會要歷各十卷，迨元代宋，遂絕意仕進，粗衣糲食，卒年六十有二。

二十九、周子高先生，名敬孫，臨海人，師事王魯齋，所著有周易象占，尙書補遺，春秋類例，管遊太學，宋末隱居不仕。

三十、陳古堂先生，名天瑞，字德修，師事王魯齋，臨海人，登咸淳元年（一二六五）進士，爲金華令，志潔行廉，頗有能名，有文集五十卷，宋末隱居不仕，自號南村逸老。

三十一、楊簡齋先生，名珏，字君賢，臨海人，師事王魯齋，登咸淳四年（一二六八）進士，爲溧陽令，有政聲，入元不仕。

三十二、楊樵寄先生，名琦，字宗圭，臨海人，鄉先生余汝楫施洪遊謂其莊重真淳，才器宏博，至元間，族兄叔虎以嘗仕宋爲酒官，至是以善酒正政召，叔虎不欲往，計將自盡，先生以誠諭使者，乃得以姪堂代行，叔虎泣謝曰：「吾獲生全，吾弟賜也，」卒年八十有七。（以上五卷）

三十三、戴蠢翁先生，名亨，字子元，臨海人，其學以毋自欺爲第一義，著有太極圖說，人心道心說，近思錄補註，朱子詩解，北溪字義辨正。

三十四、楊浦城先生，名明復，字履翁，臨海人，少從翁丹山學，操履純正，博通經籍，所著有周易會粹，尙書暢旨，詩學發微，及冠昏喪祭圖。

三十五、董克齋先生，名楷，字正翁，臨海人，舉寶祐四年（一二六五）進士，爲績溪簿，擢守洪州，均有惠政，終吏部郎中，所著有克齋集（以上六卷）

二十六、郭暢軒先生，名棣，字德茂，自仙居徙家黃岩之松山里，今屬溫嶺縣，洪武初，御史李時可薦爲饒陽知縣。三年，邑大治，以從兄故。坐免，邏者察諸途，搜篋中，惟所著易說，雜評，暢軒稿數十卷以聞，太祖嘉其廉賜紗襪，銀帶，寶鈔，以旌之。終元之世，隱居授徒，課子操井臼，一日諸生及門，聞打麥聲，視之，乃先生，卒年六十有二。

三十七、方遜志先生，名孝儒，字希直，寧海人，侍父宦遊歷齊魯之墟，覽周公孔子廟宅，聞陋巷舞雩所在，慨然有願學之志。既而從潛溪宋景濂遊，潛溪見其文，深器之。先生不重視文藝，恆以明王道，闡異端爲己任，嘗曰：「不以伊周之心事其君，賊其君者也，不以孔孟之學爲學，賊其身者也，」洪武中以薦召至京，上見其舉動端肅，謂皇太孫曰，此壯士也。當老其才，以輔汝。授漢中教授，蜀獻王處以賓師曰：「方先生古之賢者也」，爲更其號，稱正學先生，後爲翰林博士，尋進侍講。建文四年，燕王陷京師，不屈而死，年四十有七。先生嘗爲濟寧守，以風化爲急，府庭之間，不陳扭械，平居臥病絕糧，家人告急，先生笑曰：「古人有三旬九食，瓶無儲粟者，奚獨我哉」。

三十八、陳克庵先生，名選，字士賢，臨海人，自少有文名，比長，篤志聖賢之學，以克己求仁爲要。天順四年，（一四六〇）上春官，遂魁天下。初爲御史，一疏奪二學士之命，再疏移大司馬之權，及督學南畿，數德屏威，日與諸生講明正學，每巡歷，減騶從，刻日期，居止學宮，談經習禮，與諸生同膳。若家人。轉河南按察使，擢廣東左布政史，抑僥倖，除民苦，與市舶中官不協，竟爲誣奏，卒于途，年五十有八，士大夫識與不識，莫不寃之，在日自奉儉約，節俸置義田，以救宗族之飢餓者。張侍郎元禎表其墓，稱先生有大節，大才，大勇，識者以爲知言。（以上卷七）

